

四庫全書

集部

# 欽定四庫全書

集部

御定歷代題畫詩類卷五

五至八

詳校官刑部侍郎臣李紱

主事銜臣徐以坤覆勘

總校官降調編修臣倉聖脉

校對官中書臣高 中

謄錄監生臣王 官

欽定四庫全書

御定歷代題畫詩類卷五十五目錄

行旅類

書林次中所得李伯時歸去來陽關二圖後

宋蘇軾

軾二首

李公麟陽關圖

宋蘇軾二首

題修師陽關圖

宋韓駒

題陽關圖

宋黃庭堅二首

謝蘊文承議陽關圖

宋晁說之

題陽關圖

宋陸游

題李伯時畫陽關圖

元王惲二首

李伯時陽關圖

元馬祖常

陽關圖

元宋紫

陽關圖

元李俊民

陽關圖引

明楊慎

題陽關送別圖

明鄭嘉

題陽關送別圖 明僧來復

長江送別圖 元成廷珪

題春江送別圖 元鄭洪

題春江送別圖 明劉基

題春江送別圖 明高啓

春江送別圖 明徐賁

題春江送別圖 明郭鈺

題蘇昌齡畫秋江送別圖 元成廷珪

秋江送別圖

元華幼武

秋江別思圖

明林鴻

秋江送別圖

明王沂

題秋江送別圖

明鄭江

寒江待別圖

明李日華

題吳教授所藏黃大痴畫松江送別圖

明錫崧

題秋林叙別圖

明謝承舉

題虞邵菴送別圖

元余闕

題朱孟章虞學士送別圖後

明劉基

陶秘書廣陵送別圖

明高啓

書江山別意圖

明王恭

題王孟端送行圖

明李至剛

題鄂渚贈別圖

明楊士奇二首

題南浦送別圖卷後

明陳憲章

題秦淮送別圖

明錢宰

題送別圖

明呂不用

寒原送別圖

明董其昌

螺川送別圖

明僧麟洲

斷橋分手圖

明史鑑

題韓與玉春山行旅圖

元徐穎

秋山行旅圖

元虞集

題秋山行旅圖

元趙孟頫

題彭韞玉秋山行旅圖

明王恭

秋山行旅圖

明陳顥



子昂秋林行客圖

元戴表元

題關仝平橋行旅圖

元柳貫

雪林行旅圖

元陶宗儀

題秋暮山行圖

金段成己

題楊祕監雪谷曉裝圖

金趙秉文

雪谷曉裝圖

金龐鑄

雪谷早行圖

金蔡珪

跋雪谷早行圖

元王惲

武元直雪霽早行圖

元王惲二首

題雪谷早行圖

元王惲

繆郎中雪谷早行圖

元馬祖常

李咸熙蜀山旅思圖

元黃公望

題曉行圖

元李祁

早行圖

元程鉅夫

征人早行圖

明楊慎

關路逢僧圖

宋賀鑄

題大年關路逢僧圖

宋晁說之

關山風雨圖

元張楚

西風古道圖

元劉永之

潘子素王叔明來慰籍臨別為寫水傍樹林圖

元

倪瓚

題畫贈別王使君

明王世貞

御定歷代題畫詩類卷五十五目錄

欽定四庫全書

御定歷代題畫詩類卷五十五

行旅類

書林次中所得李伯時歸去來陽關二圖後

二首

宋

蘓軾

不見何戡唱渭城舊人空數米嘉榮龍眠獨識殷勤處  
畫出陽關意外聲

兩本新圖墨寶香尊前獨唱小秦王為君翻作歸來引

不學陽關空斷腸

李公麟陽關圖

二首

宋 蘇轍

百年摩詰陽關語三疊嘉榮意外聲誰遣伯時開縞素  
蕭條邊思坐中生

西出陽關萬里行彎弓走馬自忘生不堪未別一盃酒  
長聽佳人泣渭城

題修師陽關圖

宋 韓駒

風煙錯漠路崎嶇  
客羈臣淚滿襟何事道人常把翫

只應無復去來心

題陽關圖

二首

宋  
黃庭堅

斷腸聲裏無形影  
畫出無聲亦斷腸  
想得陽關更西路  
北風低草見牛羊

人事好乖當語離  
龍眠見出斷腸詩  
渭城柳色關何事  
自是離人作許悲

謝蘊文承議陽關圖

宋  
晁說之

邂逅故人逃難處  
王孫氣象獨昇平  
詩吟摩詰如無味

畫到陽關別有情

題陽關圖

宋  
陸游

誰畫陽關贈別詩  
斷腸如在渭橋時  
荒城孤驛夢千里  
遠水斜陽天四垂  
青史功名常蹭蹬  
白頭襟抱足乖離  
山河未復胡塵暗  
一寸孤愁只自知

題李伯時畫陽關圖

二首

元  
王惲

晚唐聲教限羌戎  
才唱陽關慘意濃  
遠節每矜殷侑壯  
略無離別可憐容



別淚重於煙柳雨離愁長似玉關程就中儘是銷魂處  
不待聽歌第四聲

李伯時陽關圖

元 馬祖常

自古人生苦別離邊頭征戍更堪悲渭城客舍無楊柳  
間怨當年李伯時

陽關圖

元 宋 賧

前春別宴武陵溪候館垂楊暖拂堤忽見畫圖疑是夢  
故人回首洞庭西

陽關圖

元 李俊民

一杯送別古陽關  
關外千重萬疊山  
試問青青渭城柳  
不知眼見幾人還

陽關圖引

明 楊慎

行行重行行送客安西征  
可憐渭城曲已作陽關聲  
陽關去渭城四千五百里  
纔聞征馬嘶初見行塵起  
行塵征馬短亭前  
弱柳垂楊古道邊  
已憐柳葉青如線  
更愛楊花白似絛  
柳葉楊花春正好  
輜車且駐長安道  
玉壺

清酒競芬芳金谷豔歌殊窈窕徘徊共勸少留連泯默  
相看兩傾倒別鶴離鸞曲易終伯勞飛燕互西東搖搖  
翠幃城隅日獵獵紅旗野渡風斷歌零舞情難寫分手  
回頭淚盈把安閒堪羨米薪人瀟灑誰如釣魚者天涯  
風物異方身爭似在家相對貧鄉夢三更懸馬首迴陽  
九折繞車輪銷磨歲月緣名利鴻飛不至人偏至我所  
思兮明月同君之出矣浮雲異龍眠古刻昏莓苔蕭郎  
彩筆生綃開銷魂莫讀江淹賦好畫陶潛歸去來

題陽關送別圖

明鄭嘉

漠漠楊柳花青青楊柳樹帶花折長條將送行人去灞  
陵勿淹留明日發沙洲沙洲連塞路望望使人愁願推  
雙車輪推過壽昌縣壽昌何蔚蔚邊城如眼見別曲歌  
且停春醪香更清一杯歌一曲曲盡兩含情含情豈無  
語別離心更苦懊恨別離多歡娛能幾許萬水復千山  
人去幾時還誰言功名好儂道不如閒

題陽關送別圖

明僧來復

三月皇州送珮珂  
柳花吹雪滿官河  
縱令渭水深千尺  
不似陽關別淚多

長江送別圖

送周平叔  
之通州丞

元  
成廷珪

福山蒼蒼倚天碧  
狼山巉巖生鐵色  
兩山當江作海門  
力盡神鞭驅不得  
滄波萬里從西來  
楚尾吳頭天一壁  
陰風轉地鯨怒翻  
黑霧連空龍起立  
來舟去楫不敢動  
袖手傍觀唯歎息  
扶桑浴日飛上天  
百怪潛消杳無迹  
水光鏡淨山亦佳  
目送雲帆高百尺  
青霄要路君既官

白首窮塗我猶客  
煙中隱隱見孤城  
令我思鄉心轉劇  
驪駒歌罷將奈何  
倚杖江南望江北

題春江送別圖

元 鄭 洪

西陵渡口山日出  
蘆芽青青柳枝碧  
龕山赭山潮東來  
黃郎刺船水如席  
勸君勸君遲渡江  
柳條貫魚鱗尾雙  
沽酒待明月人生  
莫作輕離別

題春江送別圖

明 劉 基

春江水悠悠行人上  
蘭舟春雲散江樹  
行人重回頭嘉

會未有期離心渺千里願作還山雲莫作東流水

題春江送別圖

送王使君

明 高啟

歌徹小秦王愁深第幾觴飛花蕩春影江水不勝長日暮東風急離帆且緩張

春江送別圖

送松江王尹

明 徐賁

行李一琴一鶴扁舟千水千山空醉驛亭官酒春風不解離顏

題春江送別圖

明 郭鈺

君上孤舟妾上樓望中煙雨意中愁江波若會離情苦  
一夜東風水倒流

題蘓昌齡畫秋江送別圖

贈湘中元  
江可翁

成廷珪

白沙江頭水楊樹正是秋風送君處海門日出潮欲平  
把酒娛君君不住楊公廟前聞鼓聲多少行人此中去  
江子於今空復情干戈滿地兵縱橫丹楓葉墮山鬼嘯  
黃竹叢薄飢鶩鳴湘中有家不得往時對此圖雙眼明

秋江送別圖

元  
華幼武



送客滄江曲其如別意何疎林秋日澹遶岫暮雲多盡  
醉離亭酒無煩鼓棹歌相思明月夜浩蕩隔煙波

秋江別思圖

明林鴻

無諸城下送行舟滿座詩人賦遠遊歸夢不離秦苑夕  
客程多在越鄉秋江楓葉落填沙岼塞鴈聲寒到驛樓  
會見使君簪冕貴未應華髮老滄洲

秋江送別圖

題贈王通  
守允中

明王沂

秋江水落楚天低目送歸船渡聶溪莫道浮雲千里隔

君山只在洞庭西

題秋江送別圖

明鄭江

美酒雙玉壺沙頭送行客處處蘆花風寒江秋水白落  
日下長空返景明石壁去去入煙霞相思楚天隔

寒江待別圖

明李日華

雲去蘭亭鴈影孤凍痕浙浙上蘼蕪噓呵滴得梅梢雪  
為寫江干待別圖

題吳教授所藏黃大痴畫松江送別圖

明  
鎬  
崧

是何山莽莽以橫雲水浩浩而生風天低江迴日欲落  
別意乃在蒼茫中間君此圖作者誰浙東老人黃大癡  
松江先生舊知己眼明為寫秋江姿重坡欹岸東南遠  
木末參差見層巘蒼浦遙連楚澤深石林盡帶吳堤轉  
是時先生從此歸把釣欲拂雲中磯長風過雨蒲葦淨  
水色淡漈沾人衣只今又作筠州客惆悵松江渺雲隔  
離思猶迷鴈蕩煙歸心已歷洪崖石我思大癡焉得從

筆墨往往遺奇蹤  
草衣騎牛髮如雪  
吹笛憶過天台峰  
平生一筆不輕許  
傲睨王侯笑塵土  
展圖坐對鳳山青  
却想高情動千古  
君不聞功名利達  
能幾何  
長安離別日日多  
灞陵亭前春草碧  
灞陵亭下春風波

題秋林叙別圖

贈王五

明謝承舉

君來京國留幾時  
蓮花噴香侵桂枝  
泉飛寶劍結游俠  
珠落銀箏酣豔姬  
紫駝厭飫青玉案  
驂騑縈曳黃金羈  
紅燈照雨夜呼酒  
白羽搖月秋哦詩  
傷陳悼晉祇遺迹

弔吳問宋空荒基李白纔吟鳳皇詠張翰又起萐鱸思  
小舟綽約桃花渡欲去不去猶遲疑清歌嘹唳杏花塢  
欲別未別還追隨江波高掀白雲擁海雲低壓青山卑  
彭亨五兩忽不見滿江寒月霜差差

題虞邵菴送別圖

元  
余闕

南州山水麗中田歲事豐時貞文物築道合朋輩同濟  
濟衆君子班坐蔭青松迴洲環偃月丹林結彩虹翔鷗  
方矯矯鳴鴈亦嗷嗷即趣情已展染翰思彌工予亦幽

棲者纓冠朝北宮披圖誦佳詠邈爾想高風

題朱孟章虞學士送別圖後

明劉基

秋郊一盃酒握手念將離落日照野水涼風生樹枝今

朝重相憶青山如舊時鬢毛非松柏爭得不成絲

陶祕書廣陵送別圖

明高啓

暮雨潮生瓜步春山樹繞蕪城惆悵離舟欲發江南煙

寺鐘聲

書江山別意圖

送羽人還  
神樂觀

明王恭

羽人何處去歸事玉宸君飛珮花間別橫簫鶴上聞過  
關闔樹斷挂席楚江分想到齋宮夕園丘候五雲

題王孟端送行圖

明

李至剛

汀洲杜蘅歇南浦西風生美人鼓蘭楫路指江南行南  
行向何許東望吳松去吳松秋水多綠遍芙蓉渚渚外  
九龍山山邊三泖灣人家臨水住日暮采菱還采菱歌  
易斷送子愁零亂愁來可奈何思滿江南岸江南不可  
思動子情依依皇都春色早遲子速來歸

題鄂渚贈別圖

送人歸廬陵二首

明

楊士奇

鸚鵡江中紅樹鳳凰城裏青山借問來遊幾日秋水蘭舟獨還

客遊黃鶴磯畔家住金魚浦前心似波間明月隨君先過螺川

題南浦送別圖卷後

明

陳憲章

何人更賣雲卿履我昔曾過孺子亭欲寫別離非此日西山南浦認丹青



題秦淮送別圖

明 錢 宰

綠酒斟來且莫斟，酒闌歌罷去駸駸。  
別懷恰似秦淮水，流到長江綠更深。

題送別圖

明 呂不用

何處瞻衡宇，西江煙水村。  
彭郎磯上月，送汝到柴門。

寒原送別圖

贈聶井愚  
令君入覲

明 董其昌

鳬鳥翩翩紫氣閒，寒原目送渺難攀。  
知無白集留行篋，剛貯溪藤一尺山。

螺川送別圖

明僧麟洲

五老峰前送別圖  
社賢今日未應無  
路經黃葉千年寺  
人倚西風十幅蒲  
銅斗舊歌聞楚甸  
萼羹新興入吳都  
重山複水間蹤跡  
自在飛雲一片孤

斷橋分手圖

明史鑑

近水人家半掩扉  
兩山樓閣尚斜暉  
斷橋無數垂楊柳  
總被遊人折漸稀

題韓與玉春山行旅圖

元徐頴

枉路越川梁郊區繇海甸衡皋望茵閣遠近皆可辨夕  
嶂青若藍浮雲白於練去矣諒云遙聽鐘自忘倦

秋山行旅圖

元虞集

春夏農務急新涼事征遊飯糗既盈橐治絲亦催裘升  
高踐白石降觀索輕舟試問將何之結客趨神州珠光  
照連乘寶劔珊瑚鉤乘馬垂首簪縱目上高丘策名羽  
林郎談笑覓封侯太行何崔嵬日莫推回輶古木多悲  
風長途使人愁羸驂見木末足倦霜雪稠谷口何人耕

禾麻正盈疇出門不及里酒饌相綢繆壯者酣以歌期  
頤醉而休安知萬里事有此千歲憂

題秋山行旅圖

元 趙孟頫

老樹葉似雨浮嵐翠欲流西風驢背客吟斷野橋秋

題彭韞玉秋山行旅圖

明 王 恭

閒門秋晚葉皆飛征路逢霜客漸稀獨樹斷猿愁遠騎  
隔林殘燒映行衣西風一飯人煙少落日千峰夕鳥微  
莫向他鄉留滯久故園山水候君歸

秋山行旅圖

明  
陳 顥

千山落葉萬山雲  
行到荒橋日已昏  
羨殺田家頭白叟  
半生足不離柴門

子昂秋林行客圖

元  
戴表元

石稜稜而白出樹悄悄  
以紅披嗟縞衣之嘉客  
方策蹇以何之

題關仝平橋行旅圖

元  
柳 貫

關仝畫用神屠手  
善刀一割無全牛  
元氣何年始磔裂

青天半壁尚分留  
藤梢松骨鎖紐壯  
蟲篆烏章形體道  
不觀盆盎與壘洗  
古人制作吾焉求

雪林行旅圖

元

陶宗儀

積雪寒凝晝不消  
瓊林琪樹聳孤標  
寄言逆旅休辭倦  
西崦人家路尚遙

題秋暮山行圖

金

段成己

亂山崿岸爭清妍  
寒林寂歷相繇聯  
人間黃塵千萬丈  
一點不到山林邊  
秋九澹薄秋氣爽  
浮雲積翠何蔥芊

高風淒其脫木葉向來面目仍增娟江流一曲抱山麓  
孤舟斜日棲江湍行人何適來負擔腰膂蹲犖确石頭  
路塞驢鞭不前人家前途渺何許望之不及憂悁悁問  
公何從得此本筆勢髣髴營丘傳我本山中人見之心  
惘然嶽巖歷落真可笑對畫題詩思昔年

題楊祕監雪谷曉裝

金趙秉文

林空月已沉雪落風未埽束裝事晨征之子涉遠道心  
知馬上人萬象入腹藁髣奴亦可人行李伴幽討塵中

無此客風雲滿懷抱逢辰則伊呂不然商山皓如何苦  
憔悴薇蕨不得飽前身孟浩然後身窮賈島三生紙上  
形千古笑枯槁向來富貴骨露濕原上草百年等一夢  
翻覆無醜好那知風雪癯不是蓬山老所以邢和璞一  
笑幾絕倒

雪谷曉裝圖

金 龐 鑄

溪流咽咽山昏昏前山後山同一雲天公談笑玉雪噴  
散為花蕊白紛紛詩翁瘦馬之何許忍凍吟詩太清古



老奴寒縮私自語作奴莫比詩奴苦木僵石老鳥不飛  
山路益深詩益奇老奴忍笑憐翁癡不知嗜好乃爾為  
楊侯胸中富丘壑醉裏筆端驅雪落因何不把此詩翁  
畫向草堂深處著

雪谷早行圖

金  
蔡珪

冰風刮面雪埋屋客子晨征有底忙我欲題詩還自笑  
東華待漏滿朝霜

跋雪谷早行圖

元  
王惲

谷口山深石徑開  
六花一夕浥浮埃  
披圖憶得經行處  
夜半盤車下嶺來

武元直雪霽早行圖

二首

元王惲

亂峰疊嶽玉陵嶒  
危棧何人趁早行  
似我姑山新道就  
神居東崦聽雞聲

雪擁天山六月寒  
冷雲西北是長安  
行人馬上揚鞭喜  
猶勝南荒作熱官

題雪谷早行圖

元王惲

頭痛風炎萬里程行人何限把雙旌  
犯寒休訝征車早  
冷嶺東邊是帝城

繆郎中雪谷早行圖

元馬祖常

十里寒林葉盡凋谷中深雪客行遙  
留連獻賦游梁苑  
辛苦哦詩過灞橋竹裂若聞金石奏  
山空不聽斧斤樵  
未央前殿冰花滿郎吏催班已趁朝

李咸熙蜀山旅思圖

元黃公望

憶昔蠶叢開蜀國崔嵬劒閣入寒雲  
荒郊寂寂猿啼苦

多少歸人不忍聞

題曉行圖

元 李 祁

鬱鬱溪上松  
滾滾草頭露  
幽人愛清景  
晨起就征路  
翩然厭羸驂  
獨行不回顧  
浩浩誰與期  
青山淡無數

早行圖

元 程 鉅夫

萬山迴合路  
紆紫獨策羸  
驂款行却憶  
麻源三谷裏  
畫橋攜酒聽  
溪聲

征人早行圖

明 楊 慎

杜鵑花下杜鵑啼  
烏白樹頭烏白棲  
不待鳴雞度關去  
夢中征馬尚聞嘶

關路逢僧圖

宋賀鑄

蹇驢烏帽禪客落日黃  
塵故關已悔棄繻昔去更逢挈  
履今還

題大年關路逢僧圖

宋晁說之

關深羈思滿風斷綠陰單  
一遇空門侶那知行路難

關山風雨圖

元張礎

山氣凝寒雨不開江濤拍岸雪成堆  
漁翁慣識風波惡天際孤舟已早迴

西風古道圖

為寺僧賦

元劉永之

古道西風匹馬還數家茅屋住秋山  
只疑路近東林寺遙聽鐘聲暮靄閒

潘子素王叔明來慰藉臨別為寫水傍樹林圖

元倪瓚

積雨開新霽汀洲生綠蘋臨流望遠岫  
歸思忽如雲

題畫贈別王使君

明  
王世貞

杯酒踟躕日易曛  
青山處處惜離羣  
莫言秋色難分贈  
君是青雲我白雲

御定歷代題畫詩類卷五十五



欽定四庫全書

御定歷代題畫詩類卷五十六目錄

行旅類

題郭恕先雪霽江行圖

宋樓鑰

題何侍御所藏雪霽江行圖

元王惲三首

郭忠恕雪霽江行圖

明吳寬

題江行圖

元錢惟善

跋提刑王副使航海圖

元王惲二首

汶上早行圖

元張翥

梁貢父學士江行阻風圖

元鄧文原

題范才元湘江喚舟圖

宋朱喬年

題別浦遠來舟圖

宋陳造

江岸艤舟圖

金趙秉文

風雨停舟圖

元元好問

風雨回舟圖

元李孝光

題夏珪風雨行舟圖

明僧來復

奉皇姑魯國長公主教題所藏巨然江山行舟圖

元柳貫

題向伯共過峽圖

宋陳與義二首

題袁子仁所藏巴船出峽圖

元吳萊

吹簫出峽圖

元王冕

郭忠恕出峽圖

明貝瓊

題川船出峽圖

明僧宗衍

出峽圖

明僧宗泐

題野渡風煙圖

宋陳造

過關渡水圖

金劉迎

秋江晚渡圖

元牟獻

秋江晚渡圖

元吳師道

張僧繇秋江晚渡圖

元黃公望

題秋江晚渡圖

元揭祐民

題秋江晚渡圖

元丁復

題秋江待渡圖

元錢選

秋江待渡圖

元張雨

題秋江待渡圖

明劉崧

秋江待渡圖

明金幼孜

題秋江喚渡

元胡長蘊

題雲溪待渡圖

元張翥

王維雪渡圖

元黃公望

題馬致遠清溪曉渡圖

明張以寧

雲溪曉泛圖

元李汾

江船曉發圖

元 王惲

題蘆洲夜泊圖

明 張鳳翼

秋江夜泊圖

明 僧宗泐

題文湖州湘中推篷圖

元 李元珪

千里掀篷圖

明 錢宰

題千里掀篷圖

明 高棟

題雪浦人歸圖

金 劉迎

長江歸櫂圖

元 程鉅夫

夏珪晴江歸櫂圖

元黃公望

畫帳遠帆

唐皇甫冉

李咸熙江干帆影圖

元黃公望

題趙仲穆江園歸帆圖

元張翥

春浦歸帆圖

元孟攀鱗

遠浦歸帆圖

明謝士元

題秋色歸舟圖

元僧至仁

風雨維舟圖

明李日華

題宋徽宗寒江歸櫂圖

明汪廣洋

題劉文偉府判收藏山莊夜歸圖

元龔璠

題陳推府南歸圖

明程敏政

自題晚歸圖

明龔詡

遠歸圖

明陳繼儒

風雨歸舟圖

元陶宗儀

題風雨歸舟圖

元丁鶴年

戴進風雨歸舟圖

明祝允明



侯仲治風雨歸莊圖

元陶宗儀

夏珪風雪歸莊圖

明高啓

風雪歸莊圖

明僧宗泐

題風雪歸莊圖

明僧一初

蔡淵仲散木菴歸來圖

元唐肅

題少保楊澹菴江鄉歸趣圖

明楊士奇

高大使吳淞歸興圖

明陳安

題真仁夫畫卷

宋劉克莊

題畫

元貢性之

題扇寄希仁

明謝承舉

方文美畫

明張弼

題畫

明程敏政

題畫

明董其昌

御定歷代題畫詩類卷五十六目錄

欽定四庫全書

御定歷代題畫詩類卷五十六

行旅類

題郭恕先雪霽江行圖

宋樓鑰

絕妙丹青郭恕先，幻成雪霽大江船。  
沿流更飽輕帆舉，上水仍勞百丈牽。  
捫舵長年渾欲動，褰帷佳客若將仙。  
侍親曾泛滄浪月，猶記蘭成射策年。

題何侍御所藏雪霽江行圖

三首

元王惲

雪霽澄江照眼開  
常年日月蔽兵埃  
而今風物真堪畫  
滾滾行商兩浙來

柏臺霜信肅江楓  
寒入黃茅瘴已空  
一線暮江春雪外  
枉將新意詫清雄

炎瘴消殘一雪餘  
勾吳無地不亨衢  
江山正要燕公筆  
却點騾綱入畫圖

郭忠恕雪霽江行圖

明  
吳寬

路出三峽風颭颭  
江天雪霽宜行舟  
水枯濫瀕高突兀

木葉落盡俱東流，艤艫相聯蔽江下。半空結構如危樓，  
兩舷之間可走馬。主人恐是王益州，獨嫌百物具蓬底。  
如何不設戈與矛，後繫一舟亦千斛。什器滿載餘甌甌，  
青簾翠幙互掩映。絳繩錦纜紛綢繆，玉爐頻爇沉香火。  
寒氣不到珊瑚鉤，篙工柁師噤無語。指落層冰誰為收，  
安得挽以百牯牛。代汝僕夫力，且休人生得意在富貴。  
鄉里小兒驚宦游，望中隱隱連遠洲。深樹落照哀猿愁，  
日將暮矣泊何處。萬里幾轉青山陬，狂仙畫筆窮冥搜。

圖外意思令人求陶翁願棄五斗米未肯折腰從督郵  
飄然輕颺孤舟去惟有葛巾猶在頭高哉斯人誰與儔  
嗚呼高哉斯人誰與儔

題江行圖

元 錢惟善

七澤秋連楚雨昏布帆千里向荆門舟行莫近清湘泊  
楓樹青青亦有猿

跋提刑王副使航海圖

二首

元 王 惲

天險無踰海與江得人一葦即能航懸知恢廓高宗志

夢繞商巖夜月蒼

鱷翻鼉作大江流  
舟楫顛危咽棹謳  
忽展畫圖還自悟  
當年風雨過封丘

汶上早行圖

上清張道士寫

元張翥

絳節前驅海日生  
川迴已見汶陽城  
數峰曉翠和煙濕  
千樹春紅照地明  
原隰使華來煥爛  
河山風物入經營  
憑君更寫千巖月  
與聽鸞笙夜夜聲

梁貢父學士江行阻風圖

元

鄧文原

匡廬枕長江彭蠡居上游我幼不識風濤怒但喜青山  
縣亘急櫓鳴中流老來行道增百憂山有虎兕水次多  
蛟蚪梁公示我江上圖空齋颿爽回高秋想見飛廉簸  
蕩驅陽侯雷鼓動地萬貌貅連檣十日不得發何異駿  
馬伏櫪鷹在韝行人徼福古祠下潔觴置酒旨且柔小  
姑倚絕岸彭郎渺孤洲脈脈關情隔煙水不如天孫絕  
漢從牽牛明發風止江鏡淨楚天無際來權謳回首繫  
舟處惟有參差煙樹飛鳧鷗世事翻覆那有定人生憂



樂為誰謀慨彼東逝川白日不得須臾留濯滄浪委浮  
休買田結屋山之幽擷芳釣鮮亦足樂安用高門列鼎  
冠蓋誇鳴騶

題范才元湘江喚舟圖

用李居仁韻

宋朱喬年

天涯投老鬢驚秋夢想長江碧玉流忽對畫圖揩病眼  
失聲便欲喚歸舟

題別浦遠來舟圖

宋陳造

道人毫端妙用幻出煙水淮南頻與東風商略幾時送

我歸帆

江岸艤舟圖

金趙秉文

遠村樹如薺近岸舟如月孤舟泊沙尾危檣見木末前  
山景氣佳日暮涼風發時有渡頭人蕭蕭吹素髮

風雨停舟圖

元元好問

老木高風作意狂青山和雨入微茫畫圖喚起扁舟夢  
一夜江聲撼客牀

風雨回舟圖

元李孝光

天昏地黑蛟龍惡風雨如山擘不開舟中自有刺蛟手  
笑殺舟師捩舵回

題夏珪風雨行舟圖

明僧來復

君遊南越我西秦盡日江頭采白蘋無限波濤起平陸  
順風休笑逆帆人

奉皇姑魯國長公主教題所藏巨然江山行舟圖

元柳貫

善畫如攻詩意到即奇警蓋其疎雋姿筆墨無容騁斂

之鱣楮間咫尺萬里景巨然作江山所得盡幽邃冥深  
風雨重曠朗雲霞屏秋光滿帆腹上下天一影白鳥不  
盡飛楓林有維艇稍前牛渚磯却後瞿塘頂豈無乘航  
戒尚想然犀炳巨靈制坤軸割截爾何猛至今氣淋漓  
幅背出光耿人言此非畫與幻本同境然師豈幻者貞  
勝以其靜我來覽遺迹皎若天機秉平閭東北長岷蜀  
西南永朱郎雪消初春暉浮藻井開圖望神州時節躬朝  
請慨思禹成功重喜殷邦靖將鑄岳牧金明堂安九鼎

題向伯共過峽圖

二首

宋 陳與義

旌旗翻日淮南道興罷歸來雪滿船  
正有佛元無處著獨將佳句了山川

過峽新圖世所傳峽中猶說泛舟仙  
柱天勲業須君手借我茅齋看十年

題袁子仁所藏已船出峽圖

元 吳 棐

巴山一帶高崔嵬巴江萬里從天來  
前夫疾挽後夫推黃牛白狗迎船開  
曉風東回水西上濫灇堆頭伏如象

盤旋鳥道怕張帆  
汨沒龍淵驚掉槳  
世人性命重濤波  
吳鹽蜀麻得利多  
怪石急流須勇退  
貪夫險魄漫悲歌  
神禹醜江江更惡  
五丁鑿路空巖崿  
巴船可坐尚髮危  
棧閣能行終淚落  
嗟茲舉目無不然  
直愁平地即山川  
至喜亭邊聊酌酒  
長年三老好攤錢

吹簫出峽圖

元  
王冕

巔崖峭絕撐碧空  
倒挂老松如老龍  
奔流落峽噴白雲  
石角險過百丈洪  
我昔放舟從此出  
牽柁失勢氣欲折

春風回首三十年至今認得山頭月草堂清晨看圖畫  
畫裏之人間似我波濤洶湧都不知橫簫自向船中坐  
酒壺茶具船上頭江山滿眼隨處游安得更喚元丹丘  
相攜共上黃鶴樓

郭忠恕出峽圖

明 貝瓊

巫峽何危哉夾拱如龍門禹治九州不得到此峽口水  
作雷霆奔問汝江中人幾日三巴去幾眉五月銷古雪  
澹瀨堆深虎須怒巫峽之險安可攀胡為吳檣楚柁日

日來往乎其間高堂中有如花顏銀屏翠箔青春閒涉  
此萬里道經年猶未還黃金不買死直欲高南山汝舟  
非龍汝非虎龜鼉出沒饒蛟舞前者已脫後者號江神  
無情天又雨石巉巖兮利刃攢一葉宛轉行千盤覩此  
魂魄悸豈待杜宇夜叫猿聲酸安得鑿之盡平土萬古  
不識風波苦

題川船出峽圖

明僧宗衍

瞿塘險為三峽門兩岸束急洪濤奔十丈江船萬斛力



一篙失勢原無根前船纔過後船出蜀商來往無虛日  
君不見人間行路難咫尺風波永相失

出峽圖

明  
僧宗泐

瞿塘水如馬五月不可下兩舟何處來披圖一驚詫前  
行稍趨平勢若閒暇者後來方履險衆篙不停把巖迴  
古木披峽束哀湍瀉嗟爾駕舟人安危在操舍

題野渡風煙圖

宋  
陳造

畫師毫素筌蹄波光野色淒迷舟艤樹陰欲動魚驚帆

影應低

過關渡水圖

金劉迎

短車無復駕青牛  
散策方來對白鷗  
煙水從容許君獨  
暫須分我一船秋

秋江晚渡圖

元牟巖

晚來江上鯉魚風  
十里青山一望中  
自是欲歸人意急  
等閒付與濟川功

秋江晚渡圖

元吳師道

十年吳楚客西東  
展卷高歌興未窮  
渺渺孤舟呼不得  
好山無數夕陽中

張僧繇秋江晚渡圖

元黃公望

何處行來湖海流  
思歸憑倚隔溪舟  
楓林無限深秋色  
不動居人一點愁

題秋江晚渡圖

元揭祐民

柰榆株櫟楓樗村  
古臺半隱溪林根  
短橋細路入幽徑  
斷無人屋誰鄉粉  
遠山微雲出木杪  
白沙丹葉隨洲痕

岸莎時方蘼淨潦天霜氣欲浮黃昏一舟橫衝破秋色  
中有坐客知奚云應言去早失歸晚夕陽下擲潛無曛巾  
衣各振離舸散到家定未關柴門吳越小景重摸索江  
湘雅致費討論豈無片壑可與共漁樵逸樂同雞豚彼  
翁欣還倚杖屨誰能無酒妻兒溫我生只為書僭誤披  
卷坐對真消魂黃金郿塢不若此浣花書屋翻能存還  
君圖卷百感歎武陵溪上難尋源不能忘者舊山麓春  
日起處思聞猿

題秋江晚渡圖

元 丁 復

白雲在青山紅葉爛無數亦有冬青枝長松共如故茅  
堂當樹間江光澹凝素扁舟不可呼誰令汝來暮

題秋江待渡圖

元 錢 選

山色空濛翠欲流長江清澈一天秋茅茨落日寒煙外  
久立行人待渡舟

秋江待渡圖

元 張 雨

郁木坑頭蕭侍郎負薪歸去趁溪航解包席地彼誰子

日暮途窮話尚長

題秋江待渡圖

為蕭學士賦

明 劉崧

小航衝風岸將及行人下馬沙頭立水闊雲深野渡閒  
天寒日暮歸心急人生行役安可休到江路盡還通舟  
誰能裹足山中老不識風波一日愁

秋江待渡圖

明 金幼孜

秋山疊疊映雲蘿渺渺長空接遠波日暮小舟爭渡急  
行人休唱竹枝歌

題秋江喚渡

元 胡長孺

道傍木葉如渥丹歸急不知行路難青嶂碧溪自喚渡

塞驢破帽秋

一作西

風寒裹頭長鬚甚德色肩輕不借有

餘力人間塵土深復深謹勿重賦招隱吟

題雲溪待渡圖

元 張翥

晉陽山中蒲村渡斷坂連岡疊煙樹橫汾水落流更急  
客子西歸迫秋暮朔風轉雨作雪飛倚蓋沙頭泥沒屨  
後來者誰須我友望望津船出前漱濕雲撲地邊鴻驚

危橋挂岸征馬生樵家有徑凍葉平土牀火煖無人聲  
亂峰倒倚白石爛空壑半壓冰槎橫歸來想像猶眼底  
詎擬褐夫能畫此溪明雪淨古色起一片荒寒在窗几  
歲晚遠游吾倦矣

王維雪渡圖

元

黃公望

摩詰仙遊五百年畫稱雪渡未能傳只因曾入宣和府  
珍重令人綴短篇

題馬致遠清溪曉渡圖

明

張以寧



今晨高卧不出户歲晏黃塵九衢霧美人遠別索題詩  
眼明見此清溪之曉渡溪傍秀林昨夜雨落花一寸無  
行路歌闌桃葉人斷腸艇子招招過溪去紅日青霞半  
晦明白雲碧嶂相吞吐詩成君別我亦歸此景宛是經  
行處我呼九曲峯前船君帆正渡瀟湘渚鴈去冥冥紅  
葉天猿啼歷歷青楓樹是時美人不相見我思美人美  
無度美人之材濟時具我老但有滄洲趣他日開圖思  
我時溪上春深采芳杜

雲溪曉泛圖

元李汾

曉景澹明月落影潭西丘晴川挂煙樹光拂雲河流楓  
林入行色關山生白頭羨羨畫中人憶我秦川游君帆  
渺何許儻下滄浪洲滄浪吾有約寄謝同盟鷗

江船曉發圖

元王惲

漠漠溪煙凍不飛一船煙火曉光遲風蓬冷泛東山月  
似我茶洋早發時

題蘆洲夜泊圖

明張鳳翼

澤國煙波別有天，敢論舟楫濟長川。  
許多風浪都經過，纔得蘆花一夜眠。

秋江夜泊圖

明僧宗泐

舊遊不省是何年，曾向山陰夜泊船。  
鐘磬遠來青嶂外，帆檣散出碧灣前。  
蘆洲月白鴈初下，竹屋燈紅客未眠。  
欲訪支郎無處覓，至今清興尚悠然。

題文湖州湘中推篷圖

元李元珪

岳王樓前湖水邊，離歌驚覺鷓鴣眠。  
生綃一幅秋雲亂，

又上江南客子船

千里掀篷圖

明 錢宰

空濛一片隱菰蘆  
隔水青山對酒徒  
作客豈能耽寂寞  
好詩強半在江湖  
可憐有夢長縈繞  
曾記將身入畫圖  
千里掀篷知有意  
鄉船相遇問歸途

題千里掀篷圖

效常建體

明 高棟

日沒川路闊  
松陰澄晚流  
掀篷卧天色  
超忽江潭秋  
渚月鏡中淨  
孤暉漾輕舟  
心將空際雲  
身與波上鷗  
了視

無外物曠然神遠游予亦滄浪情從君問方洲

題雪浦人歸圖

金劉迎

亂目寶花雨過眉斑竹筇拏音迎畫鷁喜態動烏龍水  
鏡千江月風琴萬壑松遙知永今夕情話得從容

長江歸櫂圖

元程鉅夫

藹藹天始晴蒼蒼景將晚江波日東流游子何時返

夏珪晴江歸櫂圖

元黃公望

漠漠江天吳楚分幾重樹色幾重雲客心已逐歸帆好

誰道溪邊有隱君

畫帳遠帆

唐

皇甫冉

朝見巴江客暮見巴江客雲帆儻暫停中路陽臺夕

李咸熙江干帆影圖

元

黃公望

高閣崔嵬瞰碧江布帆歸去鳥雙雙無邊樹色千峰秀  
一片晴光落短窗

題趙仲穆江圃歸帆圖

元

張翥

西施浦頭鴻鴈聲葦蘿山下於菟行前村路暗愁未到

迴首海天秋月生

春浦帆歸圖

元 孟攀鱗

涵空水色碧於苔  
照眼山光翠作堆  
疑是桃花源上客  
輕舟天外得春來

遠浦歸帆圖

明 謝士元

日暮大江平  
依微見歸艇  
幾幅飽西風  
須臾楚天迴

題秋色歸舟圖

元 僧至仁

滿目烽煙萬國秋  
江山何處可追遊  
吳淞水落鱸魚美

風雨歸來一釣舟

風雨維舟圖

明

李日華

江店酒香花正穠  
午潮初上碧連空  
篷籠暫掩蕭蕭雨  
柳外晴霞一縷紅

題宋徽宗寒江歸櫂圖

明

汪廣洋

怪石奇花擁汴都  
上皇行樂在蓬壺  
不將深慮防侵侮  
却把閒情托畫圖  
野艇風高晴雪重  
江天水闊暮雲孤  
斷鴻一去無消息  
啼殺延秋頭白烏



題劉文偉府判收藏山莊夜歸圖

元

龔

璠

盤桓長松樹  
莽蒼歸薄暮  
惟應門外山  
見我蹇驢去  
冷野水聲  
候子莊上路  
亦有東鄰僧  
分卧清寒處

題陳推府南歸圖

明

程敏政

萬歲聲中奏禮成  
一陽生處數歸程  
恩沾上國如春育  
路下中原似掌平  
朔氣侵車憑酒遣  
寒風吹木助詩鳴  
蹇予亦作朝陵使  
望別難勝此日情

自題晚歸圖

明

龔

詡

紅樹離離映夕暉  
水天空闊鴈高飛  
扁舟一箇輕如葉  
常載先生半醉歸

遠歸圖

明 陳繼

杜宇一聲春盡楊花千里人歸半捲東風羅幕任教雙燕飛飛

風雨歸舟圖

元 陶宗儀

山雨溪風晚未休  
蕭蕭落葉滿汀洲  
漁船罷釣歸何處  
眼底狂瀾正可愁

題風雨歸舟圖

元 丁鶴年

昔向滄浪弔獨醒中流風雨正揚舲江空風卷潮頭白  
野曠雲迷峴首青挂席正思遺珮浦推篷已過濯纓亭  
襄陽耆舊今安在撫几長歌對畫屏

戴進風雨歸舟圖

明 祝允明

黃陵廟下瀟湘浦西風作寒東作雨鷓鴣啼舌到無聲  
誰管行人望家苦柳州刺史幸不違長沙太傅音塵非  
翠蛾斑管在何處萬古重華呼不歸

侯仲治風雨歸莊圖

元 陶宗儀

黑雨橫江天漠漠  
饒蛟怒吼驚濤作  
扁舟冒險且歸來  
正恐明朝風更惡

夏珪風雪歸莊圖

明 高 啓

江雲粘波晚模糊  
青山忽失如忘逋  
乾坤瑩淨冰作壺  
春意散入千林枯  
野橋古渡行人無  
清響瑟瑟索鳴殘  
蘆江天萬里一老夫  
短蓑如蟻舟如鳧  
魚寒入泥不上眾  
歸來遠識漁村孤  
柴門夜叩聞犬呼  
逕竹壓折誰相扶

山妻自炊稚子沽不羨炙肉圍紅爐嗟余客遊歲屢徂  
詩囊隨驢走髯奴長安何處覓酒徒飛花撲頭帽不烏  
旅舍無夢還江湖慙對風雪歸莊圖

風雪歸莊圖

明  
僧宗泐

山路獨歸翁手攜一壺酒千林雪正深扁舟在溪口茅  
茨闕石根垂蘿穿戶牖江城看圖人幾回興歎久

題風雪歸莊圖

明  
僧一初

北風號枯林寒雲沒西嶺歸翁雪滿笠欲渡愁日暝孤

舟斷磯下驚浪無時靜遂令世外人感此畫中景

蔡淵仲散木菴歸來圖

元唐肅

虎觀紬書罷龍江返棹初白金君賜重黃髮宦情疎浩  
蕩芝山色蕭條散木居春田猶及種歸理白雲鉏

題少保楊澹菴江鄉歸趣圖

明楊士奇

巴陵西畔楚江分曾泛湖波望嶽雲借得君山小龍笛  
月明吹向洞庭君

高大使吳淞歸興圖

明陳安

楓落吳江白鴈飛天涯遊子正思歸  
香消夜月青綾被涼入秋風白紵衣  
江浦蒹葭含宿雨驛亭楊柳帶斜暉  
分明記得西湖上載酒蘭舟近翠微

題真仁夫畫卷

宋

劉克莊

草木黃落水雲莽蒼孤舟卸帆凍鴈失行  
昔余遠遊沿灘汴湘堠長店疎僕痛馬僵  
行李蕭然有詩滿囊今其老矣寧忘四方  
撫卷追思歷歷不忘

題畫

元

貢性之

雨蒲煙草接風湍望入蒼梧九點寒怪得歸帆如馬健  
有人樓上倚闌干

題扇寄希仁

明

謝承舉

雪晴莎暖忽離家北去頻看鴈影斜回首江南春漸老  
東風開到紫荊花

方文美畫

明

張弼

花落春歸客未歸仲宣樓上倚斜暉故園遙在三江外  
綠遍蘼蕪燕子飛



題畫

送敏聰弟  
還河南

明  
程敏政

西風吹徹桂花秋  
欲去珍禽不自由  
無限人間離別意  
海天明月照高樓

題畫

送人歸  
江西

明  
董其昌

歸鴻別鶴夜鐘殘  
徙倚霜庭醉不歡  
頗憶故山寒翠否  
天涯相向畫中看

御定歷代題畫詩類卷五十六

欽定四庫全書

御定歷代題畫詩類卷五十七目錄

羽獵類

和李尚書畫射虎圖歌

唐獨孤及

南陽太守射虎圖

元程鉅夫

題李蒲汀學士所藏趙千里射熊圖

明陸深

題周昉明皇水中射鹿圖

元雅勒呼

題李德新中宗射鹿圖

明高啓

題趙子昂射鹿圖

明李東陽

戎王追彘圖

明高啓

題明皇追獲圖

明周叔

題趙希遠按鷹圖

宋范成大

題張戡獵兔圖

元于立

題明皇

原本  
闕

箭圖

元馬祖常

明皇驪山出獵圖

元王惲

二王遊騎圖

元倪瓚

射獵圖

元虞集二首

射獵圖

元盧琦

出獵圖

元楊維禎

出獵圖

明詹同

題出射圖

元戴良

獵騎圖

明商輅四首

胡虔雪獵圖

明貝瓊

題雪獵圖

明錢宰

題五馬獵歸圖

元何中

題清秋出塞圖

明申時行

遼人射獵圖

元李孝光

金人出塞圖

元虞集

題金人出塞圖

元李祈

題女真獵騎圖

元鄭韶二首

題金人獵騎圖

元劉永之

胡人出獵圖

明謝承舉

金人擊鞠圖

元傅若金二首

劉器之陰山七騎圖

宋孔武仲

題蕃騎圖

宋韓駒

題蕃騎圖

宋朱子

唐人寫胡騎圖

明祝允明

元忠示胡人下程圖

宋梅堯臣

題龍眠畫騎射抱球戲

宋樓鑰

題汪季路所藏李伯時飛騎斫鬃射楊枝及繡球

圖

宋楊萬里

李龍眠飛騎習射圖

元吳師道

題李伯時寶津騎士校馬射圖

元吳萊

題開元王孫挾彈圖

元楊維禎

四馬挾彈圖

元楊維禎

題挾彈圖

元張遜

王孫圖

明孫黃

王孫挾彈圖

明黃哲



挾彈圖

明汪廣洋

題挾彈人馬圖

明張適

題趙仲穆挾彈圖

明李東陽

挾彈圖

明陳紹先二首

題挾彈圖

明陳繼儒

梁楷畫雪塞遊騎圖

元戴表元

解鞍圖

元王惲三首

毳幕卓歇圖

元王惲

題打球圖

元戴良

卷五十七目錄

御定歷代題畫詩類卷五十七目錄

欽定四庫全書

御定歷代題畫詩類卷五十七

羽獵類

和李尚書畫射虎圖歌

唐  
獨孤及

飢虎呀呀立當路萬夫震恐百獸怒彤弓金鏃當者誰  
鳴鞭飛鞚流星馳居然畫中見真態若務除惡不顧私  
時和年豐五兵已白額未誅壯士恥分銖遠邇懸轂中  
不中不發思全功拾矢如破石可裂應絃盡敵山為空

殺氣滿堂觀者駭，颯若崖谷生長風。精微入神在毫末，  
作績造物可同功。方叔秉鉞受命新，丹青起予氣益振。  
底綏靖難事可擬，嗟歎不足聲成文。他時代天育萬物，  
亦以此道安斯民。

南陽太守射虎圖

元  
程鉅夫

一箭何妨一害除，使星歸進兩玄珠。欲知太守忠勤事，  
請看南陽射虎圖。

題李蒲汀學士所藏趙千里射熊圖

明  
陸深

王孫藻思錦繡紋點染青山縈白雲避鴈霜高錦樹出  
射熊風勁角弓聞似是西原獵場下公子翩翩齊騁馬  
捷如流電氣十倍滿懷明月神瀟灑沙平草淺石徑長  
左馳右突不可當直前一發遂得雋豈但百步能穿楊  
古來妙傳誇絕藝此幅摩挲今幾世周詩藹藹歌夢祥  
漢館離離是何處蒲汀學士人中龍勘畫披圖最有工  
致身本在霄漢上雅興時落山林中武功文事亦素具

細認丹青有奇趣尚父曾聞戰後車宣尼尚且供先簿  
試看更兆掌中珠雄風駿骨頭角殊他年隔座屏風裏  
喚取良工搦此圖

題周昉明皇水中射鹿圖

元雅勃呼

開元天子奮神武一矢成功定寰宇飛騎營中墮牝雞  
妖皇散落紛如雨邇來校獵渭城東姚崇發縱指顧中  
馬前十論效驅策君王已賀獲雉功波濤瀕洞真龍立  
應見波間老蛟泣畫師盤礴筆有神千載英姿如昨日

君不見天寶年來事事非  
宮中行樂晝遊稀  
可憐野鹿銜花去  
猶向樽前按舞衣

題李德新中宗射鹿圖

明高啓

赭袍玉帶虬髯怒  
人如真龍馬如虎  
英風猶似天可汗  
肯信昏孱困韋武  
上林草綠聞呦呦  
飛鞚霹靂梢長楸  
畫旗圍合晚猶獵  
後庭雙陸誰行籌  
追遊不記房陵辱  
五王謫來勢猶獨  
空誇大羽發無虛  
不射妖狐射生鹿  
畫圖令人生感嗟  
天寶回首飄胡沙  
神孫早解習祖藝

不遣銜出宮中花

題趙子昂射鹿圖

明

李東陽

秋高出獵長城下碧眼胡兒騎剗馬弓如月滿箭星流  
已向千山毛血灑馬前逸兔或可脫山下老麋身欲赭  
彼貪但為口腹謀不見巴西放麋者吳興王孫燕薊客  
酒酣興發時潑墨極知紉綺足風流忘却河山限南北  
噫吁戲薛郎未挂天山弓披圖仰面來天風

戎王追兔圖

明

高啓



前騎脫兔奔後騎驚鴻急火燒秋草獵場空一羸窮追  
勢難及大小當戶左右賢單于勇銳闕夫妍雕戈白羽  
漫爭發衆中得雋知誰先君不見天策將真天子馳一  
馬殪四豕

題明皇追獫圖

明  
周 叙

朝罷鳴笳動終南校獵遊追獫應適意銜橛却忘憂日  
入黃雲暮風生碧草秋從官無諫疏不復憶韓休

題趙希遠按鷹圖

宋  
范成大

學射春山萬歲湖牙門獵騎卷平蕪如今黃土原邊夢  
猶識呼鷹嗾犬圖

題張戡獵兔圖

元

于立

八月九月天雨霜北風吹沙邊草黃  
騂弓白羽黃金鎬虎皮蒙鞍懸兩狼  
契丹小兒頭半禿生來重飲常食肉  
彎弓射獵不遺鏃阿鶚但遣韓盧逐  
解鞍野食仍割鮮止息還依沙草邊  
同唱胡歌作胡語醉來却耽寧廬眠  
嗟哉爾鶚良獨苦致身三月如何補  
縱然欲作管城君

秦人少恩棄如土

題明皇

原本闕

箭圖

元馬祖常

寧王玉笛吹鳳凰  
桐花秋露宮晝長  
開元天子忽思武  
手中金箭照眼光  
何物羣婢出後房  
羽林孤兒射殺將  
坐中凜凜無漁陽

明皇驪山出獵圖

元王惲

五家錦繡迷川谷  
萬馬旌旗獵帝師  
治亂兩途明在眼  
丹青渾是黍離詩

元

倪瓚

二王遊騎圖

每憶開元全盛時  
二王遊騎日追隨  
鵲鵠原上雙兄弟  
挾彈荒郊想鳳池

射獵圖

二首

元

虞集

羽獵長年從翠華  
合圍八月度龍沙  
蕭蕭徒御圖中見  
猶想君庀賜滿車

日暮推車力已疲  
道逢猛虎快饑飢  
負嵎何待要馮婦  
弱婦嬰兒未可欺

射獵圖

元 盧琦

倦飛鳥十年繭足愁山川安得千金購神駿攬轡欲盡

東南天

出獵圖

元 楊維禎

燕支花開春日暉從官游騎去如飛分明一段龍沙景  
白鴈黃羊好打圍

出獵圖

明 詹同

朔風凜凜吹龍沙年年馬上長為家陰山大漠百草死

獵遍青海濱天涯旌旗裂盡霜花濕萬騎貔貅似雲集  
蒼鷹歛翅若飛電四尺神契作人立什圍五攻兵法存  
發縱指示知何人豈無詭遇獲禽者誰能為爾驚梟分  
直將勇氣飽所欲寢虎之皮食虎肉生擒山下九青兕  
射殺巖前雙白鹿日暮歸來雪洗箭血灑腥氣滿河曲  
穹廬散野如繁星涼月蕭蕭照平陸駱駝跪進瑪瑙盃  
黃面奚奴眼睛綠明朝滿馬馱爛斑番王喜生紅玉顏  
焉知祝網三驅意但醉鸞觥紫塞間君不見暴殄天物

焚咸丘畫師之筆學春秋還君此圖長太息使我忽憶  
比蒲菟

題出射圖

元戴良

玉門關南百草腓玉門關北鬪兵稀邊頭無事馬秋肥  
將軍出射沙塵瀰一胡據鞍執大旗翩然前導疾若飛  
一胡引弮如附枝一胡放箭箭不知後有兩胡蹙騎追  
側身拔鏃恐鏃遺玉門關城迴且巍一時士馬何神奇  
我來塞外按邊陲曾揮此馬看君騎為君取酒盡千巵

醉裏爭誇戰勝歸到今已是十年期畫家所寫是邪非  
却憶當初親見時

獵騎圖

春夏秋  
冬四首

明  
商輅

林松濕露翠華重仙桃醉日凝香夢芳草叢生綠樹陰  
落花盡補蒼苔空完顏躍馬當青年戎袍照日何鮮妍  
玉鞍錦韉黃金勒紅纓紫鞵珊瑚鞭雕弓滿張面如赭  
氣捲黃河掌中瀉仰天一箭中飛禽委翅欲逐迴風下  
角鷹鉤爪目如電利吻淬若龍泉劍番韉掣斷綠絲韁



狡兔妖狐膽驚顛羣駝露出紫茸峰金鈴繫犬奔長風  
旌纛搖紅日光薄鴈門金鼓聲蓼蓼君臣演武飽韜略  
範我馳驅在獵較要知見者舉欣欣庶幾與民能同樂  
遠山近山翠欲滴溪柳沙柳青如織薰風扇涼自南來  
旌旄遙撼邊雲濕羽林征馬鳴蕭蕭角弓在手箭在腰  
畫戟煌煌輝白日黃沙漠漠連青霄海東之青偏豪爽  
鐵作毛衣金作掌聳身跨霧轉招搖駕鸞灑血隨草莽  
紫衣控著白玉鞭萬騎馳突相後先貌貅仰視復拍掌

歡呼動地聲駢闐香騰雞舌煙縹緲飛入鮫綃輕裊裊  
紫塞關頭日欲晡賀蘭山下天還曉胡笳一曲興未足  
帳裏葡萄酒新熟齊宣邈矣不可追推恩始自牛骥棘  
薊門霜落悲秋草葉飛滿地無人埽鑾輿曉出明光宮  
揚鞭走馬關東道天閑十二分鴈行虎蹲豹躑爭低昂  
戎袂吹風日杲杲陣雲橫塞天茫茫兔奔鹿馳何迫速  
長劍短戟相追逐肅肅響徹雲影寒呦呦鳴透空山綠  
野雉嘒嘒原頭飛錦毛五色光陸離翻身抽矢將欲射

巧力恐逐冰絃移丹青一幅監前代幾度桑田變滄海  
靈囿靈沼尚可徵金城湯池將安在東龍行日西龍雨  
乾坤已屬大明主當今偃武更修文世際雍熙侔舜禹  
連日同雲陰匝地陽烏濕翅飛不起翠華遥指太行山  
獵騎悉渡漳江水君王獨控玉花驄欲動不動偏豪雄  
冰絃雕弓白羽箭精神炯炯明雙瞳將軍呼獒躑躅來  
左右咆囂聲如雷山羊野鹿紛交馳俛首落膽鳴悲哀  
勇士持挺擊奔兔壯氣如山力如虎扶桑樹折玉關開

宇宙颯颯寒風度  
貂裘斜擁半酣醺  
轅門撾鼓聲殷殷  
笳吹遙翻瀚海波  
旌旗遠蔽天山雲  
嗟哉成湯恩浩蕩  
仁愛及物見祝網  
贏得芳名照汗青  
至今千古令人仰

胡虔雪獵圖

為徐復初賦

明 貝瓊

太古天驕宅幽朔  
平沙四面無城郭  
生兒豈識種禾黍  
走狗呼鷹共為樂  
北風颭颭大雪濕  
越塹凌岡馬蹄急  
弓開滿月不虛發  
赤豹玄熊號且泣  
日暮兩狼歸掛鞍  
燕支勸酒左右彈  
一時快意良不惡  
金刀割鮮行玉盤

君不見漢家天子獵四海塞下將軍歸奏凱青丘雲夢  
何足誇猛虎長鯨肉俱醢

題雪獵圖

明  
錢宰

胡兒善騎射出獵古戰場白雪日夜飛蕭蕭朔風涼黃  
草蔽沙磧馬肥弓力强小隊出漢南十騎如龍驤前驅  
逐猛虎後騎接飛獐翻身激羽箭疊中兩羚羊玄熊何  
前却猛氣亦跳梁南行顧長戟北走脫飛鏐聯鑣愈奮  
捷性命不得將自謂足馳騁意氣何揚揚寧思漢廷將

英勇際武皇去年出雲中置郡定朔方今年戰高闕夜  
圍右賢王小勇何足矜萬里開邊疆

題五馬獵歸圖

元何中

秋野肅肅秋草萋萋天空鴈度呼鷹時一馬前行四馬  
隨前者回顧相拍揮最後兩人俱下馬一人拱手俯聽  
之一人挈鷹毛色肥角弓在弦箭在房人馬意態何遲  
遲知從底處射獵歸莫是營州少年并州兒閑中貌此  
知為誰筆力精勁妙莫窺我疑此畫有似汲冢古書出

蠹簡殘逸有缺遺不須完足自可寶古人日遠何由追  
嗚呼古人日遠何由追

題清秋出塞圖

明  
申時行

生不識醫無間夢不到狼居胥瞥然示我出塞圖令我  
目眩心神徂憶昔籌邊贊廟謨桓桓司馬傑丈夫帝授  
節鉞臨玄菟高憑熊軾佩虎符榆關九月沙草枯霜鷹  
下擊秋原蕪煙荒雲慘天模糊惟茲遼左僻海隅頻年  
侵擾無寧都射雕躍馬彎強弧司馬申令陳師徒指揮

鐵如意翫弄金僕姑揚旌督戰親援枹萬卒起距爭先  
驅奔狼突豕皆就俘凱歌入奏天顏愉司馬讓功欲若  
無但云將士多勤劬何以勞行役請蠲幕府租何以恤  
飢疲請發司農儲人人挾纊齊歡呼自從司馬歸江湖  
遼人茹苦若堇荼荷戈不解甲輓粟仍飛芻羽檄徵材  
官絡繹在道塗震鄰之恐非剥膚騷動根本何為乎安  
得再起司馬登戎樞坐紆長策銷隱虞國威震疊邊人

蘇



遼人射獵圖

元 李孝光

美人貂帽玉驄馬誰其從之臂鷹者沙寒草白天雨霜  
落日馳獵遼城下塞南健婦方把鉏丈夫戍邊官索租  
金人出塞圖

元 虞 集

海風吹沙如捲濤高為陀磧深為壕築壘其上嚴周遭  
名王專居氣振豪肉食湏飲田為遨八月草白風颼颼  
馬食草實輕骨毛加絃試弓復置橐今日不樂心恹恹  
什什伍伍呼其曹銀黃兔鶻明繡袍鷓鴣小管隨鳴鞞

背孤向虛出北皋海東之鷲王不驕錦鞬金鉞紅絨條  
按習久蓄思一起是時鼎清天翳絕駕鷲東來雲帖帖  
去地萬仞天一瞥離婁屬望自力竭微如聞音鷲一掣  
束身直上不回折遂使孤飛一片雪頃刻平蕪灑毛血  
爭誇得雋頓足悅挂兔縣狼何足說旌旗先歸向城闕  
落日悲風起蕭屑煙塵滿城鼓微咽大酋要王具甘歡  
王亦欣然沃焦熱闕支出迎騎小驢琵琶兩姬紅顰頰  
歌舞迭進醉燭滅穹廬斜轉毼輸月

題金人出塞圖

元李祈

窮林立喬松峭壁插平地蒼茫絕飛鳥倏忽見羣騎雜  
襲衣與裘蒙茸間氈毳差池鞭弭間孰識誰賤貴憶昔  
從北征驅車出幽薊天時大雨雪道遠恐遂泥牛馬俱  
阻寒驢騾縮如蝟所見人物殊適與此圖類當時皇風  
溥聲教浹遐裔雕題與被髮商貨罔不至自從煙塵生  
河海隔氛翳舟車斷往來榛莽極荒穢邂逅見此圖俯  
仰今昔異矯首欲無言長空正迢遞

題女真獵騎圖

二首

元 鄭 韶

白草原頭聞鴈聲  
黃沙磧裏馬蹄輕  
舉頭忽見邊城月  
倒著絲鞭不肯行

塞上秋鴻白雪飛  
濺濺生血灑毛衣  
日斜却過輪臺下  
爭看紅妝獵騎歸

題金人獵騎圖

元

劉永之

昔者金源起東北  
萬馬南馳蹴中國  
青蓋趨燕良岳摧  
殺氣如雲暗吳越  
天旋日轉息戰爭  
裹革包兵交玉帛

朔南無事號太平頗習華風變蠻貊既尊儒術尚文事  
立進畫圖供翫閱是時張戡畫鞍馬尺素流傳擅聲價  
此圖彷彿戡所作似貌燕山馳獵者秋高露白葭葦黃  
隱約寒山接平野虎韜鶴轡赤茸鞞騎影聯翩意閒雅  
龍媒振鬣望空闊足若奔星汗流赭前驅後逐爭豪雄  
左旋右轉若回風駕鵝驚飛百獸駭蒼鷹脫臂騰高空  
策馬數獲落日紫金盤行炙饜奴僮當時觀者徒歎息  
寫入丹青真國工古愚先生最好事錦標鈿束紆鸞龍

郡齋展翫當清晝驚飈颯颯吹簾櫳白頭書生幽薊客  
不覺涕淚霑膺胸百年興廢恍如夢昔著蕭蕭迷古宮

胡人出獵圖

明  
謝承舉

秋野胡奴獵關歡駕鵝鴻鴈正號寒邊關今有韓都尉  
不敢揚鞭過賀蘭

金人擊鞠圖

元  
傅若金

駿馬如雲擊鞠馳衣冠彷彿正隆時向來北地誇豪俊  
不省中原厭亂離

金人擊鞠圖

元 傅若金

古來北方善騎射材力往往矜豪雄  
吾觀金人擊鞠圖意氣已欲橫  
土中黃旗雕羽指天黑繡柱龍鱗掀日紅  
鳴鞭縱轡捷一發左迴右折如旋風  
流星迸亂拂衣裏飛電翕忽生馬鬃  
極知此藝較輕矯馳騁亦似觀成功  
後來屑齒不自惜縱習武勇終亡國  
當時得失爭一瓦百歲安危復何益

劉器之陰山七騎圖

宋 孔武仲

北風颯颯邊雲黃飛沙噎日天慘蒼鴛鴦鳴哀鴈不翔  
七騎正出陰山傍邊地陰塵歲無陽鳥飛墮翼人立僵  
犯寒跨鞍知悍強以此決戰誰能當面顏雖在姓莫詳  
一一胡帽胡衣裳馬蹄澀縮弓不張但見旗旆隨飛揚  
鳳翥倒酒進奚王俯仰意氣驕雪霜橫斜道路深淺罔相見  
射獲多磨礪時平不復憂犬羊但見樓蘭馳驍驎仍嗤  
苦淡無輝光人生所樂惟故鄉彭城妙本家世藏託以  
輕縑盛錦囊持來書卷臨華堂環視歎詫幾發狂我生



未省到朔方，坐令出塞意。慨慷攘歸可，敵千金裝長厚。  
不疑同舍郎。

題蕃騎圖

宋  
韓駒

塞上漠漠黃雲秋，黃鬚胡兒騎紫騮。一馬攬前弄風走，  
胡兒掣轡空驤首。迴鞭慎莫向南馳，漢家將軍方打圍。  
奪弓射汝猶可脫，奪汝善馬何由歸。

題蕃騎圖

宋  
朱子

傳聞姑

闕一字

欲南侵，愁破雄邊老將心。却是燕姬能捍

敵不教行到殺胡林

唐人寫胡騎圖

明 祝允明

天山一夜雪北風吹不乾胡兒騎馬出踏碎白琅玕  
胡擁羶項旃毳不知寒季冬飛鳥絕虛絃控不彈焉知  
北海鴈高翥入長安帛書天上度何功報可汗

元忠示胡人下程圖

宋 梅堯臣

單于獵罷臥錦紅解鞍休騎荒磧中蒼駒騶駱六十匹  
隱谷映坡分尾鬣九馳五牛羊頗倍沙草晚牧生寒風

貴賤小大指五百執作意態皆不同二鷹在臂二鷹架  
駿犬當對寧爭功羶廬弔列帳幙擁鼓角未吹驚寒鴻  
土山高高置烽燧毛囊貯獲閒刀弓水泉在側挹其上  
長河杳杳流無窮素紈六幅筆何巧胡環盡妙誰能通  
今日都城有別識別識共許劉元忠

題龍眠畫騎射抱球戲

宋  
樓鑰

綠楊幾枝挿平沙柔梢裊裊隨風斜紅綃去地不及尺  
錦袍壯士斫髯射橫磨箭鋒滿分靶一箭正截紅綃下

前騎長纓抱繡球後騎射中如星流繡球飛毬最難射  
十中三四稱為優元豐策士集英殿金門應奉人方倦  
日長因過衛士班飛騎連雲人馬健駕幸寶津知有日  
窮景馳驅欣縱觀龍眠胷中空萬象駭目洞心千萬變  
追圖大槩寫當時至今想像如親見靜中似有叱咤聲  
墨淡猶疑錦繡眩閒窗撫卷三歎息一紀胡塵暗幾甸  
安得士馬有如此長驅為決單于戰

題汪季路所藏李伯時飛騎斫鬚射楊枝及繡球

圖

宋 楊萬里

虎夫馳射殿西偏一箭穿球不再彎  
飛騎新圖天上本龍眠偷得到人間

李龍眠飛騎習射圖

元 吳師道

東都全盛稱元豐天子慷慨思奇功  
蒐兵閱馬振百度坐欲折箠笞羌戎  
羽林衛士天下選內廐汗血皆飛龍  
射球穿柳雖戲劇移置行陣寧非雄  
從臣絕藝龍眠翁曾候喚仗明光宮  
斫髻飛毬親眼見十年落筆逾精工

君不見開元天寶馬蕃庶畫手亦有曹韓同承平涵育  
賴休澤人與物會真竒逢好頭赤玉花驄轉首一笑浮  
雲空盛衰反覆古今夢寶津無樹吹秋風紛更擾擾竟  
何益禍起大梁塵再蒙披圖考古三歎息我思聖人憂  
日中

題李伯時寶津騎士校馬射圖

元 吳 萊

東都天子幸寶津左右突騎多近臣少年據鞍即齊足  
青柳絳綃不遺鏃前手引弰如附枝後手放箭箭不知

羽林劔客塵霧溷蘭筋蕙腕電聲馳先朝射技兵恨弱  
舊柵球門馬驚躍軍書到夏風噴河使節通遼雪跑幕  
南宮試士親見來筆下俊逸真龍媒澄心一紙依稀在  
畫家六法猶神彩誰歟醇駟誰牛車收盡騏驎策蹇驢  
男兒虛用懸門弧嗚呼壯哉彼武夫

題開元王孫挾彈圖

元

楊維禎

開元少年意氣雄任俠不數陳孟公文犀束帶鵠被小  
騎馬颯踏如飛龍側身仰望目瞿瞿為有流鶯在高樹

兩騎聯翩未敢前  
看送金丸落飛羽  
白頭烏啄延秋門  
漁陽塵起天地昏  
珊瑚寶玦散原野  
空令野客哀王孫  
平原公子五色筆  
俗史庸工俱辟易  
寫成圖畫鑒興衰  
未必奢淫不亡國

四馬挾彈圖

元  
楊維禎

八駿瑤池一半歸  
錦袍欲脫玉腰圍  
君王手挾流星彈  
莫打慈烏繞樹飛

題挾彈圖

元  
張遜



綠樹陰陰水滿堤春風立馬看黃鸝憑郎金彈莫輕發  
恐有慈烏來上棲

王孫圖

明  
孫 蕢

誰拈金彈倚青驄鞍面開元結束同好似華清二三月  
綠陰籠仗入離宮

王孫挾彈圖

明  
黃 哲

樂遊原上競繁華騎出天南白鼻騮宮錦不愁清露濕  
五陵松柏絢朝霞

挾彈圖

明 汪廣洋

宮樹已聞鶯王孫挾彈行金丸非愛惜為爾好音聲

題挾彈人馬圖

明 張適

驄騎閒行不用鞭綠陰原上草芊芊是誰催促春歸去  
却把金丸打杜鵑

題趙仲穆挾彈圖

明 李東陽

東風挾彈小城春遊騎飛韁不動塵道上相逢休借問  
衛家兄弟霍家親

挾彈圖

二首

明  
陳紹光

連錢驄馬雕鞍新銀蹄蹀躞揚風塵一聲嘶過沙隄畔  
雨香雲暖當芳春烏紗雲錦新承賜侍宴明光醉歸去  
彎弓挾彈望飛禽落花滿地無尋處

奚官平明出建章金羈白馬多恩光翻身忽見草中兔  
雕弓滿殼如鷹揚四蹄蹴踏煙莎短垂鞭緩把絲韁綰  
歸來猶帶上林酣揮袂香風春日暖

題挾彈圖

明  
陳繼儒

白馬雕鞍豔綺羅東城南陌遍經過金丸且莫輕拋擲  
綠樹春深乳雀多

梁楷畫雪塞遊騎圖

元

戴表元

聳脰攢蹄一駐鞍韃衣韋帽白漫漫祇應田舍騎牛者  
無此風沙踏雪寒

解鞍圖

三首

元

王惲

川流縈帶燒痕青萬帳風煙扈漢營長記散軍郊射罷  
丹青圖上看升平

瀟瀟牙帳野河春  
羽獵歸來日未曛  
展放畫圖還記得  
二年鞍馬過牛羣

高空雲迴射雕還  
細草平沙困解鞍  
醉裏清寒將夢去  
春風吹雪點旗竿

毳幕卓歇圖

元王惲

牙旗風軟馬蕭蕭  
渭水歸來氣更豪  
想得龍沙西北道  
際天風草黑山高

題打球圖

元戴良

羣胡擊毬世未見人馬盤盤若風旋場中一點走如飛  
三人躍馬爭先馳兩人翻身驚且歎前視後視迴迴轉  
平沙蹙踏黃入天肯使蒼鷹飛向前身忘激射但狂走  
未知毬落誰人手君不見秦失其鹿人共逐劉項雌雄  
幾翻覆

御定歷代題畫詩類卷五十七